


柳亞子主編

南社詩集

第三冊



南社詩集 第三冊目次

一三〇	姚錫鈞 稿雜詩	一
一三一	姚彝伯 彝伯詩	七一
一三二	姜 五 電心詩	七三
一三三	姜 倫 可生詩	七五
一三四	姜胎石 參蘭詩	八七
一三五	柳棄疾 安如詩	九一
一三六	洪炳文 博卿詩	一六四
一三七	洪 奂 堇父詩	一六五
一三八	洪爲藩 白蘋詩	一六七
一三九	洪 璞 洪君詩	一六七
一四〇	胡先驥 步曾詩	一六九

一四一	胡惠生 蕙孫詩·····	一七九
一四二	胡熊鏐 伯孝詩·····	一八二
一四三	胡穎之 栗詩·····	一八三
一四四	胡懷琛 寄塵詩·····	一八六
一四五	胡 蘊 石予詩·····	二〇五
一四六	胡韞玉 樸庵詩·····	二五三
一四七	范天籟 茂芝詩·····	二八八
一四八	郁慶雲 曼陀詩·····	二九〇
一四九	唐羣英 希陶詩·····	二九六
一五〇	夏 麐 應祥詩·····	二九七
一五一	奚 侗 度青詩·····	二九九
一五二	孫世偉 敬履詩·····	三〇五
一五三	孫 璞 阿瑛詩·····	三〇九

一五四	孫舉璜	姬瑞詩	三一四
一五五	孫變齊	魯望詩	三一五
一五六	徐大純	只一詩	三一六
一五七	徐世階	希平詩	三一七
一五八	徐日華	寄原詩	三一八
一五九	徐恩瀛	夢鷗詩	三二七
一六〇	徐珂	仲可詩	三二八
一六一	徐道政	病姬詩	三三四
一六二	徐夢	半夢詩	三四一
一六三	徐蘊華	小淑詩	三四七
一六四	殷仁	人庵詩	三五〇
一六五	浦軍年	醒華詩	三六〇
一六六	袁圻	劍侯詩	三六三

一六七	袁希謝寄塵詩·····	三六七
一六八	馬和君武詩·····	三七二
一六九	馬湯楹寒蝶詩·····	三七三
一七〇	馬駿聲小進詩·····	三七五

一三〇 姚錫鈞鷓鴣詩

曉起

雲天荒荒靜欲枯，烟巒疊疊淡欲無。曉吹乍動不知處，飛起一林青鷓鴣。

張園兩首

一快平生意，江湖獨往時。夕陽欹帽影，殘雪冒鞭絲。孤賞時云暮，深憂客未知。歲寒饑溺感，枯坐看林炊。

水月聊娛客，林巒已感春。新蒲長似我，秋湍淡於人。已滯芳菲節，行憐寂寞濱。杜陵天下士，作客更愁兵。

贈柳亞子

文字相思各一天，相從聊得證前緣。好留綠鬢朱顏在，狂絕詞壇兩少年。

賦到滄桑句便工，詞人塊壘信誰同。年來傳遍山陽笛，天遣江南作駿公。（君有哭趙生詩，

趙我故人。）

秋夜

荒庭蟲韻入憑闌，白露生肝垂漏殘。銀漢雲開侵曉白，翠微風起及秋寒。行藏漫遣旁人覺，哀樂稍教與世看。獨有投荒孤往意，憑誰白帽作幼安？

懷人詩

懷人之作，肇自漢晉，蘇李贈答，實爲濫觴。逮後繼作，代不乏傑。近則藏園兩當，各擅其勝；一則聲情委蛇，發伊人江漢之思。一則光芒燭天，具金翅巨刃之盛。要於述懷寫意，其致一也。壬子之春，於役海上，單情寡豫，頗慨勞生，寒夜挑燈，漫有述作，言情率爾，遂亦不復鈐次云。

寫出寒山鬢已絲，少名三絕畏人知。貞元朝士彫零盡，却作江南老畫師！
（閩縣林畏廬先生紓）

裘敝京塵感索居，桐江聊得賦歸歟。平生奇俠誰能會？博議初成一尺書！
（桐城陳劍潭先生澹然）

不見詩人趙倚樓，早年名句遍揚州。玉聽芳草城南路，絕憶春來寂寞遊。
（上海趙韻臣先

生世修。

恢恢周侯奇雅度，平生用世頗自許。捲三萬軸上蘭舟，滿目滄波不知處。
（桂林周公阜維）

華。

玉貌張郎氣似雲，斜簪散髻自超羣。藕花香滿春如酒，著個羊欣白練裙。
（上海張鏡蓉宗）

銜。

十年踪迹老蹄輪，握手相看各愴神。等是蒹鱸期未遂，何時合卜草堂鄰。
（金山陳道一陶）

怡。

共言元叔一悽然，感逝山陽記昔年。且喜詞人家法在，曉風殘月似屯田。
（吳江柳亞子棄）

疾。

清瘦形容似楠鱗，愛閒多病與時違。季鷹爭說知幾早，誰識先生杜德機？
（婁縣張伯賢先）

生孔瑛。

長枕大被家法好，風義軒然見亦少。與君時別時又逢，楊柳一春青未了。
（華亭姜粟杏世）

綏。

漫酬駿骨許千金，幾見岑苔結契深。解劍贈人憑一諾，愛才獨抱古人心。（青谿章漢秋紀綱。）

東陽詞筆幾園禪，海內王盧孰後先？不及林侯高隱好，鬢絲風漾落花前。（華亭楊幾園了公，魏塘沈道非礪，閩縣林浚南學衡。）

二年不見汪彭澤，破帽殘衫去孰之？絕憶夜來窗燭底，銀鈎爲寫鷓鴣辭。（彭澤汪笠雲國垣。）

擬小游仙詩

生就陳王作賦才，九天咳唾動風雷。磨磚自享三年厄，不博凌波一笑來。
手把芙蓉上玉京，風鬟霧鬢各分明。揭裳未向東皇拜，先要司香記姓名。
青娥眉黛近來濃，鬪笑爭憐俱不同。獨向廣寒伴清夜，方諸有淚染霜紅。
五銖衣薄御風升，閭闔門開便可登。一笑朝天無限意，三年鮫淚已凝冰。
纔出山泉本自靈，香雲一掬影伶仃。從來未入金錢會，那解蛾眉鬪尹邢？
誰向靈山又散花？覺王手掌也難遮。一番墮漏飄茵裏，回首虞淵日已斜。

帝座猗猗百鬼來，魚龍曼衍殿難開。玉皇無語仙官怨，又費天家掃岱才。
 整罷花冠起又遲，新來眉樣苦難知。無端鸞鶴偷惋惜，何似逢君歷劫時？
 香案前歌莫漫憐，本來道骨俱相宜。上清真誥三千字，掃絕蟬魚便是仙。

夜讀願無盡廬詩話走筆成此質鈍劍

清廟生民誰點刪？詩史一落空人間。世兒細點角爪嘴，抗言競病無慙顏。不能下與滄浪班，
 持作禽犢毋乃頑。仲謀鮮恥巧作計，太息世變深痼癰。君既言之淚暗漣，（某君詩史之作。君力
 排之，與余暗合。）君思挽之艱復艱。肌華削盡筋骨立，斯事乃與造化關。近來聲音行變徵，憂時
 傷事憑君參。願以深淬出適立，要薰之三沐之三。陳侯（閩石遺）論詩我所許，漏痕釵脚良當
 探。就中東坡好風調，（曼殊）斷句我欲籠詩龕。人生萬象各自得，攫取光景真大貪。妍媸妄鑿
 至可厭，曷勿一視齊天凡？君亦捐書逕絕筆，拂衣相守橫雲南。（橫雲我鄉山名）

論詩絕句二十首

忽忽浮生感於哀樂，典籍陶寫，時遇同心。爰仿遺山之例，成如千篇，斷自近代。其前
 人所已及，與乎臭味差池者，咸不復道也。

鳳靡鸞叱事豈眞？京華顛願獨斯人。驚心聽到洪侯語，貧過中年病却春。（黃兩當仲則氏）
豔骨奇情獨此才，時聞警歎動風雷。論心肯下西江拜，却共楊劉入座來。（龔定庵琴人氏）
篆刻蟲雕笑壯夫，鑿山鑄鐵歎陽湖。（君詩甌北有鑿山鑄鐵之評）伯仁豈敢輕江左，絕
歎嫖姚有圖。（大興舒鐵雲位）

一時王駱定誰先？沈摯無如鴻雁篇。（湖湘大水，白香亭有鴻雁篇。）解識太羹玄酒味，陶
琴自古已無絃。（湘潭鄧輔綸彌之。王王秋闈運。）

大蘇奔放黃九鍊，并爲斯人風骨健。豐城龍劍折磨多，銷盡鋒鋷猶作氣。（通州范伯子肯
堂。）

老吏持衡相見之，（公自比漢朝老吏。）白華一集信多奇。茂陵風雨遺書盡，却遣文君作
餅師。（李蓴客慈銘。公卒後，其如夫人貧至售餅自給。）

佶屈微達袁伯業，五言疎雋轉勁絕。齊名當日非等倫，老子韓非詎相契。（桐廬袁爽秋昶）
蠻語姬隅信有無，涉歐奪席雜譏訶。鏡廬老子殊狡猾，歐亞無端冶一鑪。（黃公度遵憲）
日下才名鬢未霜，闌珊人海閱滄桑。劇憐一副琵琶淚，却爲邯鄲大道娼。（樊樊山增祥有）

彩雲曲。

海內宮商有正聲，瓣香誰爲拜詩盟？
庾郎生被濤流誤，竟使微雲點太清。
（鄭海嶽孝胥）
螺洲高隱文章伯，八俊風流碩果存。
欲識致光神闕意，金鑾一記最消魂。
（侯官陳伯潛寶琛）

立。
早年風概越公兒，晚歲津梁老導師。
地下撫軍應張目，剡將大句作雄奇。
（義甯陳伯嚴三立）

重伯廣鈞周公阜維華。
宵甫浩瀚重伯媚，海內詞人孰兩涵。
別有師心人不識，心香一瓣爲君簪。
（易實甫順鼎會）

放言高論陳同甫，樸學奇才紀曉嵐。
稍喜新傳黃叔度，丑言和句絕江南。
（韋太炎黃季剛）
屯田才調托微波，蘇子深情歷劫磨。
一例才人思解脫，齋心學佛似東坡。
（柳亞子蘇曼殊）
冒郎猛氣狎龍虎，繼起迢迢三百年。
最憶深情傳斷句，前遊默數半成烟。
（冒廣生鶴亭）
笠雲詩學黃雙井，老骨秋筋絕可憐。
一集梁園秋後草，斷鴻零雁仗誰傳？
（汪笠雲國垣）
前人不數崔黃葉，好句應呼林鷓鴣。
寥落魏舒出署去，閉門誰省老潛夫？
（林浚南學衡）

壇坫東南狎主盟，蘭成吐語劇清新。古人冷淡今人笑，愁絕孤吟謝茂秦。（某君）

梅花嶺

江風海氣共澄鮮，過客無言黯夕暉。此地豈行王氏臘？當年誰拾史公衣？
關山百六驄終棘，華表千尋鶴可歸。萬樹冷香清澈骨，不知何似首陽薇？

山到江淮不斷青，此間我始一驂停。雲連平野風塵色，花帶孤城戰血腥。
四鎮局殘無故土，百年客過有新亭。南都舊事憑誰問？牧笛斜陽不忍聽。

清明次笠雲韻

感逝方憐氣類孤，閉門種菜計全疎。一春歸夢詩能說，三月閒愁酒不如。
已見緇塵衣易素，更堪青眼柳全舒。輕烟細雨逢寒食，剩幾侯家好問誰？

春暮雜感

漠漠輕寒上短簑，錫簫聲裏奈愁何？患多頗似髮難數，貧甚都無雀可羅。
逝水華年明鏡在，半晴天氣落花多。數聲啼鴂關心甚，輸與詩人解放歌。

題汪笠雲詩卷

捫舌猶存足自奇，袖中短筆鬱蛟螭。我儕未死終成是，天下皆狂可語誰？
正宜風雨助淫思。尖叉鬪韻心還壯，起看斜陽滅沒時。

小極

科頭小閣坐愔愔，積念沈憂自不禁。舉世創痍同患苦，閉門風雨似秋深。
一代風華氣漸沈。尺錦夢中還欲盡，剩將恨賦答蛩吟。

偶憶卽題其小影四絕句

九華縹渺斷微波，聽徹街頭子夜歌。欲托青鸞相問訊，可憐心事已無多。
料峭西風吹酒寒，鬢絲漸短袷衣單。平生消受無言味，殘燭披圖更細看。
湏洞秋懷漸不支，櫛聲如雨雨如絲。西風禪榻王居士，不似金龜換酒時。
十年舊夢誰能說？殘雨飄燈又此宵。自笑龔郎道根淺，得君如此怕難消。

奉題亞子磨劍室詩藁用浚南韻兼示季剛

時無李杜定誰師？枚子才華未恨遲。已見君家語癡絕，割愁莫綴劍銘辭。
(柳州語。)

雜感

雌霓連雲蜺，輕雷走鈿車。秦聲猶激越，楚舞聊婆娑。信有天涯感，况當夕照斜。勞生真草草，又閱一春花。

醉白池悼拜一時歿二年矣

高文歷落空千古，同輩飄零滿九原。馬鬣未封空宿草，羊腸欲折向州門。平生垂覺風懷澹，閱世真成仗馬喧。剩有舊時文讌地，不聞鄰笛總銷魂。

雜感示袁梨

招手湖山一遂秋，斜陽委巷客登樓。十年盪氣回腸事，付與秦箏不識愁。照影池波夢未忘，蕭疎舊雨感滄桑。平生息壤誰能說？種漆南園憶壽張。春盡江南水接天，芙蓉憔悴付誰憐？無多風泊鸞飄意，一別真教似十年。

雜詩

月上紅樓柝較遲，沿街火樹燦銀枝。馬龍車水同徵逐，不識中原鹿死誰？初試羅衣約晚涼，芙蓉香國盡新粧。十三樓上歌初定，草草河山已夕陽。澄澄河漢絕微波，祇覺宵殘月太孤。千古哲人知道者，微雲點綴未宜無。

委霜柯葉倩誰扶？約略風懷相見初。自畫芙蓉卅六幅，一枝清瘦最憐渠。

春郎曲與楚儂聯句

吳苑風高柘枝鼓，（鵷雛）中宵笙玩雲英舞。翩翻新試散花粧，（楚儂）一曲紅綃不知數。
馮郎十八玉比清，（鵷雛）鴛鴦寶帶白紵巾。蛺蝶有時花入夢，（楚儂）銅鞮無恙曲關情。
當年十斛量珠重，（鵷雛）秋娘嫁後新依寵。錯認瞿塘估客兒，（楚儂）瑤琴枉許成三弄。
窈窕翻成永巷花，（鵷雛）坐教天子入娼家。調酒雙環青手帕，（楚儂）惱人一闌玉鈎斜。
周郎坐畔頻頻顧，（鵷雛）略以風情寄靈素。良艷詞成血淚碑，（楚儂）清揚姿占羣芳譜。
淪落龜年又此春，（鵷雛）江南夜讌一逢卿。寵柳夭桃齊俯首，（楚儂）雪膚花貌總宜人。
捧心從此無前古，鎖骨而今有化身。逸興詞人推柳七，（謂亞子鵷雛）搓癢爲骨情爲屑。
鈿車夜入甌甌場，（楚儂）自笑三生多綺孽。請爲春郎歌一章，莫遣風流頓消歇。（鵷雛）

歸娶留別楚儂亞子浚南諸子兼答鈍劍見貺

好我非文字，凋磨暗自驚。聲聞翔諸子，氣類感平生。但得偕鴻隱，憑誰餉缺耕？空桑還爾爾，莫笑尙鍾情。

枯納仍三宿，浮生并百憂。敢言輾轉意，別抱古今愁。禮失難求野，時艱易感秋。待渠作吟侶，
卒歲且優遊。

汗漫還吾事，艱難復此杯。撫脾已生肉，晉筆爲添眉。風始含大地，陰陽有往回。提攜兒女意，
對爾聊言才。

已見兵戈滿，何當塊磊消。風花辜壯志，萬古本雲霄。應不薄秦武，（見定公句）還當似漢
高。平生奇逸意，仙子聘靈簫。

初夏雜詩

不勝清絕水晶簾，紅荔冰盤進綺筵。蝶化莊周原不惡，藕花深處抱香眠。
兀兀深忒獨自傾，吳山向我作深青。平生自有烟霞興，莫把梁鴻認客星。
黃犬傳書恨未通，土龍猶自客江東。憑卿雋語誇愁絕，思飲齋東竹篠中。
一川冥冥黃梅雨，兩岸微微落棟風。自是歸人愁思好，數聲柔櫓過江東。
斜月紅橋乍別時，桂堂東畔雨如絲。蕭郎飄泊初無賴，猶念楊家最小姨。
常年詞客竟無靈，鄰笛山陽不忍聽。生死故人淪落感，馬頭殘照酒初醒。